

四庫全書

集部

欽定四庫全書

文苑英華卷六百三

宋 李昉等 編

請致仕一

致仕表二卷英華所編  
失年代先後今正之

為閩大將軍乞致仕表一首

代人乞致仕表一首

為太僕卿劉弘基請致仕表一首

盧岐州請致仕表一首

代劉幽州請致仕表一首

為殿中監趙元楷請致仕表一首

為工部尚書段綸請致仕表一首

為姚大夫請致仕歸侍表一首

為溫給事請致仕歸侍表一首

為王左相請致仕表一首

為閻大將軍乞致仕表

後周

庾信

臣某言臣聞禮云大夫七十致仕於朝傳家於子膳則  
貳珍衣稱時制臣自出身奉國四十餘年遭遇風雲從

微至著太祖文皇帝扶危濟難奄有關河臣實無堪中  
涓從事自洛食風塵河梁旗鼓華陰有白馬之兵河曲  
有黃沙之陣臣雖用命不能竒策功薄賞厚因人成事  
恩澤年表常以愧心仰逢周朝以揖讓登庸謳歌受命  
主貴臣遷頻煩榮寵三槐以鑄鼎象物知其神姦五等  
以桓珪飾瑞守其宮室臣以何德兼而有之况復水土  
之職王梁以應讖受徵兵戈之王韓信以登壇獨拜語  
其連類臣又何人當今四海未寧三方鼎峙陛下勞心

之日羣公展効之秋而臣甲子既多老年又及無叅賓  
客之事謬達諸侯之班尸祿素餐久紊彝典負乘致寇  
徒煩有司加以寒暑乖違節宣失序風水交侵菁華已  
竭雖復廉頗強飯馬援據鞍求欲報恩何能為役榮啓  
期之樂適足自貽燭之武之言無能為也特乞解所居  
官言從初服事符骸骨之請非謀几杖之賜若臣北陵  
移病東臯歸老山河茅社一反司勳公侯珪璧還封典  
瑞則朝無冒位之人臣免妨賢之責虞氏養老敢希東

序之榮周朝如荼豈望西郊之禮但瞻仰天威方違咫尺徘徊城闕私增悽戀不任知止之情云云

代人乞致仕表

前人

臣邈言臣聞一葉將隕寧待於風露百川皆到自竭者潢汚臣輒感之以悲以咽臣其中謝臣仲春之末舊患漸加雙足頗蹇四支不利扶步有邯鄲之失勉視無離婁之明安可率此留務溷茲恒典陛下恩周曲成未忍捐棄微臣困至於亟轉不堪勝臣所以自咎自傷淚繼

之血臣其中謝臣特承先緒進不因人陛下憫臣無用  
舉直而宥慙自奉圖太極宣綽中書陛下收臣於一心  
任臣以獨掌九年冀登宰輔八歲載踐宗伯出擁干旄  
入叅衡鏡或雲臺之上微臣預疇咨之旨或日觀之下  
詔臣操刊勒之丈美而暢之臣實尤忝明憲不敢以纖  
負玄造竟微於滴助闕 日月闕 其如冰炭交集

誠懷伏以前陪政事親荷德音謂臣等經侍軒墀子孫

尚延保護臣荷螻蟻歛戴

一作款  
載非

丘山臣宜生亦盡命

死且陳力竊不知終而不知止朝列三數與臣同儕臣

未六十推臣則幼獨臣彌當

一作留

頓頽病不俟年盈量

窮涯滿而招損逾時每乖於勿藥永日猶繫於苞桑覽

分必然貪榮所忘伏乞免臣見職退畢餘生察臣榮不

可支矜臣分不能強迺臣之幸也豈悟仁壽之闈有此

一時承明之廬無緣再謁心神已弊晷刻增悲叨睿鑒

則多士莫先違聖顏則小臣何遠惟冀三條啓道

一作路

萬乘巡京悅西怨之羣黎逮東封之從者危魂倘駐枯



骨如存是臣之愜非臣所望臣又聞驅奔効駕先輟於  
羸駘翔集賀成近遺於鍛翮彼常知暮而况臣哉聞未  
遑請臣之懇戀至於隳官臣合書罪無任戰慄戀結之  
至

為太僕卿

新舊唐書  
作衛尉卿

劉弘基請致仕表

太宗

上官儀

臣某言臣輕生多幸早逢昌運締構之初得効駕蹇誠  
歎雖竭功績靡伸沐浴恩光謬叨榮級歷居近要出納

隆顯顧循庸非踰溢涯分思展塵露以酬洪造鏤骨銘  
肌無忘夙夜但犬馬之齒甲子已多風雨之疾昏眊日  
甚雖年非致事而力不當官簿領沉迷端緒紕繆久尸  
厚祿覲懼在躬內省愆尤外慙物議乞解見職退就衡  
門朽質餘生獲從藥療冀蒙涯澤未歸泉壤難預朝請  
瞻望闕庭葵藿微心方希臨照不任悃欵之至伏願天  
慈特垂矜許輕塵聽覽愈增震越云云

盧岐州請致仕表

臣某言竊以日月迅驅歎留侯之過隙桑榆易晏嗟趙孟之愒陰是以杖國之儀曩籍之通訓夜行之誠先達之明範臣三河素品一藝罕稱斂衽衡泌之間優游農仕之際特以雲雷肇構龍德在田遂得混吹齊庭薄遊梁苑昧昔賢之先覺慶生涯之嘉會屬大橫固祉獎澤存臻同管蒯之靡遺喻衽席而無改叨竊非據綿歷歲時智能之効寂寥何紀伐檀以茲興刺濡翼由是致譏况乎時迫耄期識用衰耗仲宣體弱遽與年並修齡疾

甚亦隨衰及范綏在飾深驚蒲柳之秋葆鬢承冠逾慙  
仁壽之鏡空貽謗毀坐柶官曹虛受之來履薄未均危  
懼知止之分餘生實所庶幾披瀝丹愚諒非矯飾伏願  
大明委照曲遂今請退影閑扉待終初服倘弊帷未掩  
岱宗少駐擊壤高其自逸高枕歡其有餘望瑤池之還  
駕候仙閣之歸躅臣筮仕聖朝位非才授曾微涓滴少  
答鴻私收請骸骨心顏覩忤微臣限茲外任不獲拜奉  
闕庭犬馬之戀徘徊何已

代劉幽州請致仕表

臣某言臣海沂陋品業尚罕稱斂衽衡泌之間角巾人

疑作山

野之際夙安環堵之室固知榮進之階屬天步方

難霸圖資始遂偶飛龍之會預忝汗馬之期既而慶集私門恩被昆弟歷職內外備蒙選擢承乏三朝于茲三十餘載竟微塵髮之効空負亭育之私加以鍾漏已殫齒歷云暮杖國之年斯及夜行之懼載深若勉茲衰遲久玷刺舉既取柰於官曹抑貽誚於通識當今天地休

明賢能方軌豈可以策駑懷祿如忤昧榮是以量力陳  
辭料能寫實天鑒凝遠特希憫照昔廣德休老方開漢  
室之恩陽元請骸空表晉朝之惠微臣竊景前懿敢祈  
今澤反初服於東臯沐薰風於窮巷倘高眷少駐弊蓋  
未陳庶乎瑤池之曲延望白雲之宴仙閣之阿載奉翠  
華之謁犬馬之志實百怛心臨表鯁戀辭意懇結云云  
為殿中監趙元楷請致仕表 上官儀

臣某言臣聞高年致政前徵之彝準仲秋授杖縣載之

通規正以制逮乎桑榆愒陰於鍾漏臣顧惟菲陋輪轅  
無所瞻言賓實高謝等夷筮仕之初不期通顯干祿所  
望抑在代耕初以生涯多幸屬奉昌數仁被草木德洎  
昆蛟獎飾曲流豐恩傍洽言揚德舉內視缺然比彥叅  
賢載離滋永至於姬駿長驅奉玄池之廣晏如龍避

疑作

逸驚陪樂野之宣遊塵露罕稱榮異空甚捫躬覲作罔  
歷心顏既而二膳在辰懸輿甫及光華云祖聖造方深  
蒲柳行秋朽材知止勝西羌而側

一作測

勇惟東都而自

收伏請褫帶彤闈歸骸素里挹清風於國讓追盛範於  
陽元効鈞璜於渭濱類飛星於河渚是知疲驟解馭辭  
金根而不歸衽席幃幄去青蒲而方遠望軒屏而徘徊  
仰煙霄而鯁戀無任感愧之至

為工部尚書段綸請致仕表 許敬宗

臣綸言臣質輕散木運忝連姻濫叨右戚之榮曲荷睦  
親之禮攀鱗切漢顧毛羽而多慙雕朽成姿撫簪纓而  
自失在梁之誚甲子徒深大造之恩消塵靡報常懷戰



灼夙夜無忘况以蒲柳易衰犬馬將暮沉痾歲積惜耄  
日侵雖復年未杖鄉而疾乖陳力愒陰理務沉迷簿領  
之書伏枕當官敢數彝倫之序久尸寵祿事等曠官內  
省愆尤何顏在職冒乞骸骨退就廬田庶得休閒微加  
攝餌則皇天有施生之惠庸臣免偷安之責倘蒙恩許  
負岳為輕但頓僊在躬方違旦夕仰軒檻而增戀望霄  
極以長懷伏紙陳誠心靈戰越不任悲愴之至

為姚大夫請致仕歸侍表

盧藏用

臣某言臣聞孝於親者然後可以忠於君理於家者然後可以移於國臣實妄庸叨奉明聖職在樞要切寄股肱恩非始圖榮絕流輩臣之殞身無以上答然臣老母今年八十有一起居漸廢齒髮日衰飲食朝晡非臣不膳寢興侍奉非臣不歡臣欲僂俛國朝則顧復無報臣欲歸養私第則聖澤不貲實類羝羊羸角方同狼跋其尾去歲陳乞初沐聖恩旋承後命不垂允納良由臣孝道衰廢至誠無感扣心泣血夙夜無寧臣自受北征繇

歷旬月慈母銜泣朝夕倚閭寢膳不時重增羸耗臣子之道何以為心陛下聖澤遠覃中外無事彝倫攸叙俊人盈朝臣之短才無所裨補伏願少垂矜察俯遂私恩許臣告歸之請終臣犬馬之養然後糜軀粉骨上答天造奮身虜庭効命戎幙臣之萬死不敢為恨無任懇懇之至

為溫給事請致仕歸侍表

武后

崔融

臣某言臣以凡薄幸承基蔭一霑官侶三十餘年為子

未能報鞠育之恩為臣未能答生成之惠公私覲冒夙  
夜驚惶久欲退奉家園以避賢路直以犬馬識戀木石  
感恩猶希罄竭未即陳吡今臣母虞國夫人妾盧氏行  
年八十志力衰謝體氣虛羸先苦瘥癘近微風瘥委卧  
床枕繇歷歲時扶人不行加帛不煖比者西京有宅老  
母在堂臣以留司之餘尚接和缺半自忝膺皇睴祇  
命神都子奉局而莫從母倚閭而空切加以門衰祚薄  
長兄早世昏定晨省唯臣一身但臣之所以奉檄載馳

釋巾從務貪榮徇祿唯迫於甘旨淺知薄能豈期於聞

達伏惟皇太后陛下天地容納雲雨露被祿

疑作錄

臣勲

舊賜臣丘山臣雖小人豈忘大德然以聖人在上孝理天下整齊風俗砥礪名教臣縱不才其如禮法何臣雖無識其若朝廷何無任丹血勤懇之誠謹冒死詣闕請罷官歸養奉表以聞方違軒宸伏紙惶戀云云

為王左相請致仕表

李嶠

臣及善言臣愚歎頻薦心隨言盡而睿旨彌隆禮以恩

酬固辭則成命有廢勉進則私情不堪惟此憂惶坐交  
冰炭臣及善中謝臣志均驚馬知春戀於軒檻生比塊  
木懼零落於風霜思十駕之驅馳迫四時之代序辭稻  
梁之惠寧是宿心乞桑榆之年但緣量力昔者主父未  
達常健美於陳鼎孔某遭難每慙勤於執鞭或排擯於  
中朝乍栖遲於列國况臣叨恩竊幸非待營求尸祿効  
官不假才藝獲當年之榮貴無曩世之艱虞豈應輕物  
傲時薄優游之寵官陳辭抗疏循耿介之名節直以顏

齡向盡衰疹踰加二首六身甲子催其歲月百骸九竅  
寒溫煎其骨髓無仙童之却老有災豎之侵年志力昏  
沉精神耗竭心已迷於方寸日久暗於玄黃鳩杖扶危  
且猶不逮鵝池養望孰云非罪竊畏衆多之口顧思庸  
短之累昔之少壯猶不如人今也耄期詎堪經國是用  
披肝踏地拜手祈天方登月制之辰庶免夜行之咎言  
非飾請理實誠陳陛下厚眷殊私尚留陪於簪屨老臣  
餘喘微息終絕望於軒墀空荷不貲之恩實無自強之

地伏望俯矜疲劣微賜舍容免其折鼎之憂假以懸車  
之樂倘殘骸未殞尚齒不遺猶望俎豆几筵接虞庠之  
庶老歲時朔望陪周行之末班更得拜奉宮闈瞻覩日  
月則生涯兼足死將不朽伏蝸廬而獻欵仰龍闕而翹  
魂心往形留授簡增欵無任拙疾衰老戀慕屏營之誠  
謹遣息清廟臺主簿溫重詣朝堂奉表陳情以聞





文苑英華卷六百三

欽定四庫全書

集部

文苑英華卷六百  
六四至

詳校官給事中<sub>臣</sub>李臺

助教<sub>臣</sub>常循覆勘

總校官進士<sub>臣</sub>朱鈞

校對官中書<sub>臣</sub>胡紹基

謄錄監生<sub>臣</sub>李維瀛

欽定四庫全書

大苑英華卷六百四

宋 李昉等 編

請致仕二

附謝表

告老乞致仕表一首

請致仕侍親表四首

請致仕表四首

謝恩勅許致仕表一首

代崔公授祕書監致仕謝表一首

為蕭太師謝致仕表一首

謝分司表一首

告老乞致仕表

宋

璟

開元二十年

臣璟言臣聞力不足者老則更衰心無主者疾而尤廢  
臣昔聞其語今驗諸身况且兼之何能為也臣拔自幽  
介欽屬聖明才不逮人藝非經國徒以久從驅策歷叅  
試用命偶時來榮因歲積遂得再昇台座三入冢司進  
階開府增邑大郡所更中外已紊彝章逮居端揆尤竊

一作

右職何者丞相官司之長任重昔時愚

一作

臣衰

朽之餘用慙他日位則逾盛人則浸微盡知其然何居

而可頃所以

二字一作者

僂俛從政蒼黃不言實懷覆載之

德冀竭消塵之効今積羸成憊沉痾

一作痼

莫瘳耳目更

昏手足多廢顧將隕越寧遂宿心安可苟徇大名仍尸

重祿且留章綬不

一作未

上闕庭儀刑此乖禮法何設伏

惟陛下採

一作選

能以授為官而擇察臣之有詞矜臣之

不逮使得罷歸私室養疾衡門上弭官謗下知死所則

歸全之望獲在愚臣養老之恩成於聖代日暮途遠天  
高聽卑瞻望軒墀大深感戀臣比一作此伏枕不堪詣闕  
無任誠懇之至謹遣男朝請大夫行起居郎渾於朝堂  
奉表陳乞以聞

請致仕侍親表

敬讓

臣某言臣聞事君事親率由之道斯一為臣為子資敬  
之途無二臣實不才累昇榮級徒以家承勲舊地分茅  
土寵命優渥寔此之由非臣妄庸所堪獎拔臣未登壯

歲乾陰先傾逮于強仕母氏為育欣欣而就祿者希祿  
養之及親也臣雖愚鄙妄佩朝簪臣母王夙侍巾櫛久  
經憂苦一纏風疾二十餘年今秋已來所苦增劇板輿  
周覽近在於家園綵服承歡久違於膝下臣謬居藩佐  
累變炎涼瞻望庭闈五情紆結雖王臣蹇蹇匪躬之故  
而孝道蒸蒸因心罔極伏惟陛下聖明統業孝理天下  
丈軌同於八荒德教加於百姓况臣沐浴皇化差池班  
列塵忝滋久臣復何言臣兄弟之中臣又居長五起三

省是臣微志視膳嘗藥非臣而誰臣之愚誠天地神祇  
所共照鑒伏乞天恩少留哀察臣請解所職侍養京都  
冀烏鳥之情俯遂終食犬馬之報希酬萬一臣雖死之  
日猶生之年無任惶恐一作惶惴迫切之至

請致仕侍親表

拓跋興宗

天寶中

臣某言臣聞懷祿者恥於冒進事親者貴在及時苟貪  
非分之榮何報所生之德臣興宗中謝伏奉某月日勅  
許臣入京覲省者臣母譙郡太夫人曹氏今八十有四



一遭風疾倍加羸憊臣之戰灼罔知攸從然曹氏有臣  
更無他子臣纔齧亂父已背亡守志偏棲鍾情善訓恩  
深徙宅慈過折爰孤危相保臣得成立蕃夷賤末久荷  
國恩磨鈍策疲已歷三紀腰金拖紫四昇八命每慙祿  
厚慮臣身災况老親在堂迫於衰疾而更晨昏有闕尸  
素無厭碩鼠貽刺林鳥不若尚叅朝列心豈遑安特乞  
停官許從歸侍則藜藿之養子道獲申桑榆之暉母心  
是慰當今大聖御極羣賢共理豈資微臣而在冗職雙

鳧隻鴈寧覺少多九牛一毛未為增損倘明神見祐母  
體漸平在臣犬馬敢不驅策伏望採詩人之錫類鑒令  
伯之陳情曲降鴻私俯矜微懇垂恩遂志死將萬足不  
勝懇款之至

第二表

前人

臣某言臣前表自陳上訴母親乞停所職以就私養聖  
恩未許懇願莫從母子二人肝腦塗地臣某中謝臣初  
孩則孤未冠而仕不識父兄之教但承慈母之育向母

無臣則烏鳥誰哺向臣忘母則禽獸不若更無性命以

至成長今臣老母八十五載矣加之疾疹日甚一日有

增無減

一作  
瘳

湯藥杜口粥食不入頃乃祈恩請命忍死

待臣臣不承聖恩不復見母母不蒙聖造亦不重見臣

自從去年漸能開釋若臣又辭母母更別臣臣母必即

倚門氣絕上馬心斷母必失臣臣亦失母忠孝雙缺公

私並喪假臣強顏苟冒榮寵猶望孝理抑就名教以蕃

夷之賤品忝冠冕之清流身帶三印爵封五等入踐命

卿出為副將正是臣報國立功榮宗輝戚之時愛惜毛

羽保持名位寧可進寸其容退尺豈願驅一作華轂以

傳板輿樂閒居而忘厚秩士君子猶貪其富貴臣種類

豈知其矯飾母不能割慈忍愛子不可背義違親二者

之心賢愚共悉方寸既亂焉可以理軍否臧皆凶焉足

以謀敵無自招於遄死則未戰以取亡何以為萬人之

命赴國家之意陛下於愚臣過聽謂邊將得人則有隴

右專知教練兵馬使右驍衛將軍闡廷輝材畧冠軍智

勇無對今節度王忠嗣知其名已令攝使替臣如流輩  
諸將皆是可惜臣匹夫之勇而不見萬人之敵何抑烏  
鳥之衆而不用熊羆之帥一作師陛下必以臣幸無大過  
不令失職即望全其官守罷以軍麾減其俸祿以延老  
母畧許其宿衛兼遂微臣之定省朝則覲君退還侍母  
公私兩遂忠孝並存母子如初生死萬足遠近夷落咸  
知聲教無任懇切危急之至

第三表

前人

臣某言臣聞事君愛親出忠入孝孝苟不足忠能獨全自古及今未之有也臣夙遭凶憫早喪父兄母祇育臣臣唯侍母更相為命逮至于今誠願報國安親兩遂忠孝况臣少從邊役侍養多違母常憶臣積憂成疾往者一辭天闕六變星霜徒叨守郡之榮終切倚門之望加以老母年將邁邁景晏桑榆衰疾交侵藥餌無主頃乃祈哀上請恣死待臣臣幸獲歸寧老母稍安寢息再造之施空荷於乾坤廣大之恩無階於答効臣又聞子急

告父臣急告君今母若無臣臣定失母所以隳裂肝膽  
塵犯威嚴乞停臣尸素之祿假老母殘餘之命誠為至  
願非敢飾情自聖鑒未迴懇誠猶阻而臣又不幸愚子  
供奉官右威衛郎將守義近亡臣今惛然形影相弔生  
人之極無甚於臣老母既見孫亡預愁臣去舊患未損  
泣盡繼血伏惟聖主孝理天下特降綸言戶有老親令  
蠲賦役鄉有孝子必表門閭洎乎荒外百蠻咸被教化  
臣雖戎狄賤品忝沐薰風烏鳥之心實愧乳哺若使貪

榮徇祿背義忘親固天地所不容人倫所同棄更何面目敢列聖朝特望上垂天光俯照愚懇矜臣養親之日短効命之日長允其停官許令侍疾四夷慕義陛下之德化無窮豈惟微臣獨荷恩施無任迫切屏營之至

請致仕表

憲宗

高郢

臣郢言臣聞量力而仕臣下之審分知止不殆道經之明訓所以七十致仕禮式其期臣犬馬之年去春已滿頃者方欲陳乞屬蒙新授今任忻時忘老祇命戀恩復



屬王師出征聖軫方切輒求安退又所不敢伏惟睿聖  
文武皇帝陛下德廣天地道孚干羽承宗順命服罪効  
誠制誥班師萬方軌道昆蟲草木各遂其性臣早當告  
謝無忘夙心不應遲回更俟終日况復夏官任重賢路  
久妨時制已過衰疾兼甚實懼夜行之罪上累明時之  
寵伏乞許遵恒典特賜餘年止物議之貪榮洽宸慈於  
休老微臣之願庶蒙矜允臣竊惟塵曠謬迹三朝叨承  
睿獎中外六任竟無毫髮上答恩私齒盡請骸終慚且

惕徘徊積戀戰汗陳愚天闕一辭朝車永稅方從野老  
共樂堯年臣郢不勝感恩兢惶之至

第二表

前人

臣郢言臣上陳丹懇非敢飾辭前月二十三日中使梁  
士平奉宣旨賜臣還詔聖慈曲念未忍棄捐綸音下臨  
特加褒獎心魂震悚拜舞覲容臣某中謝臣血氣既衰  
戒之在得鍾漏云盡行者當止臣今所乞已過常期若  
志悅前言事違往行雖稱守命誰曰非貪况臣升朝以

來歷忝清貫歲時曠久叨

疑作叨

用茂聞前恩無報後効

焉取使蚊負山欲強何由臣伏以戀主之心古今齊致  
暫從外補猶所不樂永違闕庭豈遑勇退竊以菌蟪生  
促無幾光陰駘駘齒窮匪任衡軛加以疾疹時發筋力  
日耗與曠官而叨寵寧量已以乞恩庶蒙聖鑒昭回愚  
悃特許臣得從時休息以禮進退免於黃耆猶負素飡  
全度庸微生成莫大天無私覆冀收惠渥歲不與臣敢  
忘披露再躡宸聽辭隨涕零臣郢不勝感戀兢戰之至

第三表

前人

臣郢言再表陳情一心仰施瞽言無感宸眷不迴今月  
四日中使魏寶義至奉宣進止賜臣還詔倍加榮獎未  
允愚衷驚寵循涯伏躬墮越臣其中謝臣聞勞生佚老  
天理自然蠕動翾飛日入皆息時不期而必至物雖強  
而無由禮經所以制限疲沓所以獲退自非貢禹之守  
終據古趙嘉之正身匪懈韓暨之志一作至非節高潔山濤  
之道德模表人皆顧望禮以至公縱過常期詎為貪冒

其有當仁不讓急病忘身豈止君命猶宜自舉故魏伐

秦師唐睢請

闕

車而

闕

說漢謀邊將充國對無踰於老

臣所謂臣事君以忠君使臣以禮忠無不納禮亦從宜

如此則選舊任能足供國用優年加惠得遂時歸古之

進退鮮不由此臣以不才叨辱高位幸而免戾年及乞

骸苟蒙得請之恩實受終身之賜若叨榮不忤當退而

留則上累皇明下重臣罪况臣自少力薄不知等夷年

老氣衰見孰

疑作就

羸憊形因榮弊疾與齒并營衛每乖

膝脛多痺既憂廢職又懼妨賢内外交攻生涯轉迫窮  
暮之懇不遑起居芻蕘之辭已罄肝膽一物有關於亭  
毒容光時假於照臨顧西山而骸目瞻北闕以馳心臣  
郅不勝戰惕感戀之至

謝致仕表

孔 戣

臣某言臣聞七十致政禮經格言此蓋先王立教示人  
有終也苟或冒榮貪祿不知其退亦縉紳之醜也今臣  
年已過矣耄亦及之顧盼班行每懷慙覲幸屬聖明御

宇多士盈朝百度既貞萬靈遂性躍魚戲在藻之樂野  
夫盡擊壤之歡微臣叨逢此時得以陳露而猶進不知  
止懼損明風况齒髮已衰筋力不逮雖力官次恐貽敗  
闕伏以南宮左轄華省紀綱政理所關選用為重豈臣  
衰朽久膺此任伏乞聖鑒察臣誠懇賜臣骸骨歸老丘  
園所冀聖朝無浮食之人微臣免強飯之責將違聖代  
戀闕誠深無任悃欵之至

謝恩勅許致仕表

睿宗

李嶠

臣某言伏奉恩勅聽臣致仕祇服慈造不勝銘戴臣本無器識素乏材能幸屬時來屢蒙朝獎虛受榮遇迄無成績光陰漸迫衰疾常留二豎頻侵十旬每曠懼忝腹心之寄遂陳骸骨之請天情曲獎聖澤旁流殷鼎調梅雖輟叅議漢藩剖竹仍叨卧理百城肇案六疾彌加竟虧露冕之功俄錫懸車之寵方循初服退守故園忘機求漢水之翁擊壤就堯衢之老歌太平而永日飲聖澤而窮年林壑長辭俟卉木而俱槁雲霄坐隔仰闕庭而



增慕無任犬馬悽戀之至謹因留守起居使奉表陳謝  
以聞謹言

代崔公授祕書監致仕謝表 常 袞

臣某言伏奉恩制授臣銀青光祿大夫祕書監仍聽致  
仕臣聞不修其德老當見遺無益於時祿不虛詔伏惟  
陛下以大聖撫一作臨運以至公宰物凡在爵秩必俟賢

能况茲寵異豈及鴛朽臣官歷五朝年踰八十勤勞莫  
効齒髮久衰舊好同遊索然已盡經行郡國不見一人

歡娛且少形魄如寄古之養老義在師臣必公卿大夫  
耆年多疾乃有詔書褒勞之寵靈壽安車之賜不然則  
高尚之士亦以道存非閔仲之潔清姜肱之孝行固不  
可猥承嘉命特受殊禮今陛下以臣之甥任在樞近階  
緣厚遇曲被鴻私官品過崇越於班列疵賤忽貴枯瘁  
增華親戚相榮以感以涕猶復恤其羸憊貸以休閒成  
從一作周禮四方之道存漢儀八月之間惠養益厚等威  
益尊冒恩不訾仰戴無力殘生有幾上報一作何階無

任感戴

一作荷

之至

一作皆唐類表

為蕭少師謝致仕表

德宗

高郢

臣斯言伏奉今月二十三日制除臣太子少師致仕仍  
給半祿料其晏會及朝朔望並依常式者桑榆暮齒忽  
遂休閒犬馬微誠仍叅朝會臣其中謝臣本書生資於  
巾褐每歷清列尸曠徒深早迫流年止足有素特以四  
朝受任千載逢時難勝戀闕之心久滯乞骸之疏陛下

俯憂羸老曲被庸愚三印之辰更加新命懸車之後且許時朝榮賜俸祿澤深惠養昊天罔極思上報而無階餘日幾何奉湛恩而不朽無任感戴忻忭之至

謝分司表

劉禹錫

臣某言伏奉今月十九日制書授臣太子賓客分司東都者寵命自天戰越無地臣其中謝臣發迹書生以文為業出身入仕四十餘年頃自集賢學士出守吳郡面辭之日親承德音念百姓水潦之餘示微臣政理之法

臣祇承

集作  
膺

聖旨夙夜竭誠閭里獲安流庸盡復猥蒙

朝獎錫以金章及遷同州又遇歉旱悉心綏撫幸免流  
離今荷天慈憫臣耆舊列名賓護之職分局河洛之都  
老馬霜東帛之恩枯株蒙雨露之澤獲居榮秩以畢餘  
年顧此微軀實為厚幸伏以臣始為御史逮事德宗今  
忝宮僚幸逢聖日舉四海之內賢能則多求六朝之臣  
零落將盡雖迫桑榆之景猶傾葵藿之心無任感恩惕  
抃之至

大苑英華卷六百四

欽定四庫全書

文苑英華卷六百五

宋 李昉等 編

太子公主上請

僧請附

皇太子請停幸東都表一首

皇太子請家令寺地給貧人表一首

皇太子請放罪囚表一首

皇太子請復膳表一首

皇太子請起居表一首

皇太子請給庶人衣服表一首

皇太子請脩書表一首

皇太子請加相王封邑表一首

為太平公主請住山陵轉一切經表一首

為太平公主辭欲起新宅表一首

為魏國北寺西寺請迎寺額表一首

為人請子弟出家表一首

為東都僧等請留駕表一首



為洛下諸僧請法事迎秀禪師表一首

皇太子請停幸東都表 高宗 崔融

臣某言臣聞乘雲駕羽者非以逸樂其身觀風設教者  
將以弘濟於物故後予肯怨幾 一作缺 望湯來吾王不遊

嘗思禹會伏惟天皇帝道敷皇極一日二日智周於  
萬幾先天後天化成 一作行 於四序雖鴻名已建銘日觀

而知尊而膏澤未流御雲臺而不懌市朝之邑天地所

中四方樞 一作極 會百物阜殷爰降恩旨行幸東都然以

星見蒼龍日纏朱鳥清風用事庶彙且繁桑翳葉而眠  
蠶麥飛芒而雉雉詳求易緯是君無發衆之辰博訪禮  
經當人急勸農之月固未可陳詩展義拜洛觀河况序

屬亢

一作止

陽時方避暑露臺風館尚多薰灼之勞帳殿

帷宮將有鬱蒸之弊天皇昔常服餌近更躬親睿情勤  
苦天儀憔悴若何以萬乘之重四海之尊暴露而行盱  
日而食者也加以官僚扈從或少資糧程期迫促未遑  
周辦必若事應巡狩

一作省

務從寬恤猶望白露涼風然

後清畿洒道下不違於人欲

願一作

上無隔於天心可舉

而行庶幾於此臣又聞關中屬縣畿內傍州百姓驅馳  
頗多饑餒天皇仁深覆育並令賑贍求轉徙者任其逐  
糧欲寧居者加其廩食家懷再造人得安全乞至秋來  
不煩聖慮特乞少留玄鑒俯察丹誠迴太陽之末光納  
蒙泉之餘瀝臣三朝問寢常候色於宸慈五日詣臺每  
承言於聖獎輒陳冗職輕進芻詞踏地知驚窺天自矢  
無任私懇之至謹遣某官奉表以聞

皇太子請家令寺地給貧人表 前人

臣某言臣聞法天之道義屬於有餘象地之宜理存於  
益寡頃以咸城近縣廊市傍州頗積風霜或侵苗稼天  
皇兩儀合德百姓為心發倉廩以賑貧人垂雨露以滋  
微物俗荷財成之施家懷亭毒之恩臣濫奉宗祧親承  
覆載歲時衣服咸憑府藏之餘朝夕膳羞必佇饗饋之  
辨過此以往臣亦何求但知問豎寢門尊師胄序魏兩  
丈儒之盛竊所係心漢儲湯沐之資未嘗留意但關輔

之地萌庶孔殷丁壯受田罕能充足所以水旱之歲家  
室未豐正末端本思有裨助臣家令寺有地九百餘頃  
特請廻授關中貧下等色雖地非安邑寧期千戶之封  
而價等露臺虛費十家之產伏乞皇恩遠及聖澤旁流  
矜臣愚効遂臣誠請謹遣某官某奉表以聞

皇太子請放罪囚表

前人

臣某言臣聞堯舜推心諒因於百姓禹湯責已必在於  
至一作庶人頃以災亢踰時資儲頗乏天皇情勤戒慎務

切憂勞發倉廩以調窮罷珍羞而酌損紅粟未阜愈兢  
御朽之懷白粲有形特軫推溝之念爰降恩旨俯加寬  
恤凡在生靈不勝鼓舞然以和風所被蘭茝同榮膏雨  
所流公私並潤徒刑之輩已沐於深慈杖罪之流未霑  
於厚渥且五刑之內笞坐為輕兩造之間原情可恕時  
當慘勁命甚漂浮因茲決罰或從顛躓伏乞迎春布澤  
應天道而無違任地成功順人時而不奪使三農有望  
萬物知歸臣濫守儲闈叨陪帝幄乾坤覆載荷至德而

徒深日月昭明在末光而何助無任區區之至

皇太子請復膳表

前人

臣某言臣聞善持國者舒慘必繫于天時德稱皇者動  
靜莫違于物理故百姓不足一人所以載懷四海為家  
萬方由其在慮伏惟天皇觀風設教拜洛遊河光華前  
乎日月法象齊乎天地頃以歲儲微耗年穀未登睿旨  
憂勞宸一作情戒惕菲飲食而卑宮室居常夏禹之期  
減厨膳而徹一作鍾懸重取黃軒之事由是神靈盼饗

景氣氤氳雪千里而朝飛雨四溟而夜下兩河之甸瑞  
麥盈疇三川之境嘉苗被隰天意人事其在茲乎可以  
隨道抑揚可以與時通變周王之本枝百代每進鱣庖  
殷帝之亢旱七年猶資鶴鼎昔賢具稱其美往聖不議  
其非唯此小心將非大德臣又聞下之奉上猶枝附根  
君以人作基人以君為命天皇恩深子育念切家安損  
已勵精無違早晏停滋罷味已隔歲時聖躬有勞悴之  
容羣類動兢惶之責伏乞俯從人欲仰順靈心具珍物



以登羞隨太陽而復膳萑蒲知送涼之地芝英識駐壽  
之期豈使眇眇燧皇獨流名於膳炙悠悠黃帝空紀稱  
於庖犧而已哉臣寄忝元良任當監守春冬胄序學書  
禮而空勤朝夕寢門視寒溫而未即無任悃欵之至謹  
遣某官奉表陳請以聞

皇太子請起居表

高宗

前人

臣某言今月某日起居舍人某至

一作還

伏承聖躬頃稍

不安今已痊復手舞足蹈慶躍兼深臣聞孝於事親為

子之方以一作已極恭於奉上為臣之道則先臣自違侍

軒墀已淹時序周儲故事一日三至於寢門晉兩一作空

舊儀一月五朝於左一作龍閣今之望古臣獨何人日者

瀝膽陳祈焦心覲謁伏惟天皇以關河鎮重監守務殷

睿旨冲邈未垂矜亮今既十月築場三農事隙特乞暫

流恩召俯念單誠遂以起居假以時月得晨拜旒宸遂

一作辰臣私情則暮辭闕庭在臣無恨不勝戀慕之至謹

遣某官奉表陳請以聞

一作皆唐類表

皇太子請給庶人衣服表 前人

臣某言臣聞心有所至諒在于聞天事或可矜必先於  
叫帝庶人不道徙竄巴州臣以兄弟之情有懷傷憫昨  
者臨發之日輒遣使者見其緣身衣服微多故弊男女  
下從亦稍單薄有至於是雖自取之在於臣心能無憤  
愴天皇衣被天下子育蒼生特乞流此聖恩霈然垂許  
其庶人男女下從等每年所司春冬兩季聽給時服則

浸潤之澤曲霑於螻蟻生長之仁不遺於蕭艾無任私  
懇之至謹遣某官奉表陳請以聞

皇太子請修書表

前人

臣聞昔者明王學以化人成俗古之君子文以緯地經  
天雖有閭風之高嶽弗登弗知其峻也雖有浴日之巨  
溟弗涉弗知其廣也伏惟天皇域中居大天下化成百  
官以理萬人以察日行中道而淑清歲起攝提而位序  
光薰萬物豈直芝珥奠玷澤加一作四海寧惟壽麻孤

竹地成形而天成象其道彌光河出圖而洛出書其徵  
可驗環林壁沼金門石室墳典積于邱山筆墨盈于泉  
海聖朝多士自可包二代之文臣顧不才何足奉三王  
之教皇慈渥洽帝獎優隆擢公望為太師徵子房為少  
傅所冀習與智長化與心成嘗辛苦於歲餘終未階於  
日就臣聞學者殖也問以辨之積必有成勤則不匱以  
周公之上聖日讀百篇以孔父之多能韋編三絕臣雖  
不敏竊所庶幾然以列代遺章先王舊典康成興業纔

覽卷於八千士安單思願加年於累百豈不以學而時  
習博則難精者乎今欲寡其蕭稂撮其樞要可以出忠  
入孝可以益國利人極賢聖之大猷盡今昔之能事商  
榷百氏勒成一家庶有代於箴規長不違於左右又近  
代書鈔寔繁部帙至如華林園徧畧修文殿御覽壽光  
書苑長洲玉鏡及國家以來新撰藝文類聚文思博要  
等竝包括弘遠卒難詳悉亦望錯綜羣書刪成一部藝  
官賓館亦既天皇立之矣端士正人亦既天皇致之矣

伏乞俯從微願特降鴻私許臣撰緝遂臣誠請當宮學  
士如少仍望通取京官謹當開桂樹之山鑿芙蓉之水  
引甘泉之詞賦惣望園之賓客下芸閣而長謠臨梓厨  
而高會一遊蘭芷佇變蓬麻區區之誠敢希矜允豈使  
肅城門內唯傳魏國之名崇政殿中獨紀晉朝之事而  
已無任誠懇之至謹遣某官某奉表陳請以聞

皇太子請加相王封邑表

李嶠

臣某言臣以相王旦發彩璿粵承流寶派雖班彝錫瑞

既同於伯叔之封而食采苴茅不逮於子男之國敢緣  
敦叙之義輒獻由衷之誠而葵藿傾心徒希皇矣之鑒  
雲霄絕望不流霈然之澤愴怛如失徘徊增佇臣某誠  
惶誠恐頓首頓首死罪死罪臣聞命以車服錫之土田  
實將共安邦家永固宗祏炎漢之開藩樹屏屢開七十  
城隆姬之書社建侯封疆四百里故知業隆者基大本  
盛者末豐涯涘潤而潤澤深枝條繁而庇蔭遠伏惟皇  
帝陛下握河開歷截海凝圖化繇於商夏之朝地廣於



唐虞之域裁舊典之損益補前王之闕漏萬官咸事百度以貞雖穆穆之風具宣於政理而親親之道或廢於揖謙至今骨肉禮薄藩維業曠曲阜之特高才藝仍減附庸平臺之深篤孝慈僅留湯沐徽章空列於五等祿秩不踰於九命職舒兼曜之德久被於寰中雲雨曲成之恩翻遺於膝上異強幹弱枝之道違先親後踈之意非所以上崇王室下睦帝姻况天垂後星承髮膚者蓋數卦膺習坎奉晨昏者非衆荷圓穹之寶覆藉厚載之

珍腴若令寵數不加等威無辨便是卑萬乘之尊蔭缺  
四海之遐瞻蠻貊荒陬猶知不可衣纓士庶孰謂其宜  
伏念天倫深惟國體情實存於公道理不涉於私求伏  
願曲降聖慈俯收愚懇愜久遠之大義抑冲撓之小節  
疇咨故實申命有司劃以山川優其井賦剖符開國依  
希魯衛之親盤石居宗髣髴應韓之躅明鳩鳩均養之  
惠慰鶴鶴同氣之心使麟趾式安犬牙愈一作逾固則洪  
恩所被允及於萬方靈貺一作慶所覃豈惟於九族無任

惻歎屏營之至謹遣某官某奉表陳請以聞

為太平公主請住山陵轉一切經表

前人

妾某言妾生涯有緣仰繫皇極孝行無感上傾乾蔭號  
天罔極扣地不追集蓼萌心如荼泣血自攢開東洛緋  
下西秦氣朔遄移光靈浸遠怨晨昏之易隔悲節叙之  
難留舉目摧傷觸途殞裂今橋山已祔灤水還封二曜  
停臨九天絕仰慟遺弓於此日思稅駕其何年追想平

居永惟襄載粵自襁褓迄於成立鍾慈結愛殆欲蒙携  
於掌中候色承顏何嘗暫離於膝下方倚南山之固長  
承北極之尊豈圖就養之歡遽乖於弱枕問安之地翻  
類於過隙念凶妨而自咎思顧復以何酬所冀扶杖墳  
坐結廬山隧瞻奉觴奠依憑園寢終三年之禮企及通  
喪轉一切之經庶邀冥福上以資未來之果下以攄罔  
極之心伏惟陛下孝通神明仁洎草木乞體荒疾特垂  
憐許使烏鳥微志獲與耘禽致哀犬馬孤誠得從耕象

申慕則窮喘無恨餘生知幸無任哀切之至謹附使具  
官某奉表陳請以聞

為太平公主辭欲起新宅表

見五百七十八卷

前人

為魏國北寺西寺請迎寺額表

武后

李嶠

沙門臣某等言竊聞加隆園寢漢道以光潔誠宗廟周  
卜惟永斯但禮極崇奉事昭嚴配未能遵揚七覺酬顧

復於前生幽贊三途樹津梁於後劫伏惟聖母神皇陛下中天構極截海凝圖懸法日而貞觀汎慈舟而利涉天經地義之德率禮因心奉先追遠之誠宅緣證果弘濟深於冥境薰修入於梵門天子之孝感陰陽而通鬼神聖人之心刑萬邦而被干祀乃者深發睿思永懷遺躅禱帷輟跡之所盡建寶坊南北東西之城咸脩法宇佛刹周於天壤寺名因於國號自崇陽改謚奉明增邑雖配天盛典已革於常數而淨境大名尚題於舊額是

以稻麻衆侶葵藿微心願弘金石之名思降瓊瑤之禮

疑作  
札

愚言聖澤已蒙昭許日往月來未遑迎致今望以

九秋嘉節七月良辰當冀莢之初滿屬盂蘭之始獻勝  
幡香蓋延寶宇於金門法鼓天花奉鸞書於象闕俾夫  
道路瞻仰虛空喟讚高懸銀榜豈惟天地之宮列署瑤  
房遠邁神仙之宅某等或粉榆故社或桑梓舊京謬參  
龍象之筵預奉衣冠之列白雲千里瞻帝鄉而極目朱  
門九重望宸陛而延首倘皇慈曲被人願不違則八部

式歌四海知幸無任懇倒之至

為人請子弟出家表

陳子昂

臣某言臣以險疊私門不造亡父故某官先臣某早先朝露永謝休明日月不居星紀云暮伏以先臣榮縮章

綬累忝榮私三歷名卿職叅於河海八居惣守任切

集作

叨於股肱而報効莫聞零落先及啓足

英華作發足非

之日露

首知慙是以臣克奉誥

集作誥

言志期冥報請以當家子

第三兩人奉為高宗大帝出家歸道而孤煢在疾遺囑



未申奉以哀號實貫心髓今者高宗大帝登仙之忌已  
及茲辰先臣懇誠未効他日所以乞遂冥願敢覲天恩  
庶菩提之因發揮於正覺涅槃之證幽讚於宸階先臣  
夙心無恨於集無於字泉壤伏願上天降鑒微誠可哀因緣  
獲展存沒交慶不勝崩迫之至

為東都僧等請留駕表

中宗

宋之問

臣僧某等言臣伏見某日月勅以今月十九日

集作今年九月

將幸長安東都道俗不勝攀戀伏惟應天皇帝陛下重

興靈命再造黎元域中懷三聖之恩天下識吾君之子  
關西帝宅渭北神臯思切園塋未謁長陵之樹貴為天  
子不歷咸陽之宮宜應萬乘巡遊展鎬池之新慶三秦  
故老覩漢家之舊儀率土顛顛孰不欣躍但以先後神  
寢夏首方成太子仙墳秋中未畢王主陪奉更促工徒  
雖力以子來而頗妨農事倘千官扈輦同費太倉之粟  
萬國來庭共索長安之米將何給用以濟公私且東都  
有河朔之饒食江淮之利九年之儲已積四方之賦攸

均誠宜宅幸三川寬徭八水稍登稔歲方事歸鑿以欲  
從人孰不幸甚則天聖后久成佛果俯應輪王冀發無  
邊之巨願光有為之妙福經始大像年齋滋深愧緇流  
之淨財念蒼生之苦力俯從羣議莫遂聖情陛下孝感  
傍通冲襟獨斷追成先志上合天人故得蓮礎未施為  
停風雨梅梁鬱起若有神明施其力者萬殊莫分龍鬼  
捨其財者千計豈辨人祇皮已集作千雲程之匪日實  
冀金輿近幸玉輅親臨禮如來之大身畢先聖之遺旨

然後載詣京輔馳謁山陵即付囑無違情禮兼極無任  
懇欵戀慕之至

為洛下諸僧請法事迎秀禪師表

前人

僧某等言某間住持真教先憑帝力導誘將來遠屬能  
者伏見日月勅遣使迎玉泉寺僧道秀陛下載弘佛事  
夢寐斯人語程指期朝夕詣闕此僧契無生至理傳東  
山妙法開集作室巖集作居年過九十形彩日茂弘益

愈深兩京學徒羣方信士不遠千里同赴五門衣鉢魚

頡於草堂菴廬鴈行於竹帛

集作丘阜

雲集霧委虛往實歸

隱三楚之窮林繼一佛而揚化栖山好遠久在荆南與

國有緣今還豫北九曲

集作江

道俗戀

疑作愛

之如父母三

河士女仰之猶山嶽謂宜緇徒野宿法事郊迎若是

集作

使

輕來赴都遐邇失望威儀俗尚道秀所忌崇敬異人

和衆之願倘得焚香以遵法王散花而入道場則四部

銜恩萬人生善無任懇款之至謹詣闕奉表請與都城

徒衆將法事往龍門迎道秀以聞輕觸天威伏深戰越

文苑英華卷六百五

欽定四庫全書

文苑英華卷六百六

宋 李昉等 編

請朝覲

此卷英華所編夫  
年代先後今正之

為房州刺史請朝覲表一首

為張侍郎乞入覲表一首

再請入覲表一首

李令公乞朝覲南郊表一首

皇帝違和請朝覲表一首

青帥乞朝覲表一首

為陝州盧中丞請朝覲表一首

鄭滑李僕射乞朝覲表一首

杜司徒乞朝覲表一首

為鄭相乞朝覲表一首

為楊大夫請朝覲表三首

請朝覲表二首

代孔大夫請朝覲表一首



崔中丞請朝覲表一首

李大夫請朝覲表一首

為房州刺史請朝覲表

上官儀

臣某言臣一介薄才不周時務命隨事偶超竊宦途歷  
職文武榮兼內外年餘三紀受恩兩朝循涯省分實優  
常品自違丹陛寒暑亟移限以大藩久絕朝覲頃以年  
頽疹迫風眩日增懷闕庭而載佇仰雲霄而聳望陛下  
昔居春禁臣預應朝集披膽祈恩特蒙鑒許尋奉明詔

入銜鈎陳惠澤曲流其來自遠誓生沉族未識所酬今  
以衰疾之年久違趨拜望充計吏一奉宸闈頃者希天  
聽卑期照心靈振蕩水谷非危干黷旒纒伏知待罪謹  
言

為張侍郎乞入覲表

德宗  
時任黔府觀察使

呂頌

臣某言去貞元五年於延英殿賜面辭之日親奉進止  
一作令臣一考即來者臣謬承聖獎猥守方隅自到黔  
聖旨

中首末三年更入新正即及四載臣素以微

一作書

生叨

居重鎮恭行朝旨宣諭皇恩種落遠人庶幾於理伏以  
遐荒僻阻控帶諸藩溪洞蠻夷性本生梗木石為伍鳥

獸同羣寬之則伏匿山林不遵王命

一作公法

迫之則結聚

蜂蠆害及邊陲臣於撫馭之間酌其中道示以

一作之威

惠諭

英華作論非

以憲章以清淨臨人以不擾為政開設學

校令知君臣父子之道勸勉

一作課

稼穡令知生成衣食

之原減其征徭蠲其力役今國恩遠及夷落大安萬里

勤王一方無事臣管內素多瘴癘山峽重深毒霧蒸雲

常在牕戶四時多雨不識霜雪終歲陰昏少見天日出

門無路舉目唯山猿鳥之心如在籠檻臣從去年冬初

忽染脚疾膝脛頑痺行步一作立艱難絕無醫人素乏藥

物深山窮谷無處市求任重命輕未可言疾一作病臣先

奉進止一考令歸又準勅丈二年與替臣今歲月以一作

已久疫癘交侵况奉綸言難堪更住臣久辭天闕一作闕庭

戀切龍顏瞻望天門不勝涕隕無任攀戀切迫之至

再請入覲表

臣某言臣去貞元五年面辭之日親奉進止令臣一考  
即來臣謬荷聖恩擢居方鎮炎瘴之地首末四年恭守

廟謀

一作謨

宣布皇澤唯以靜理惠郵遠夷今縣道晏清

干戈罷戰雕題左衽萬里勤王溪洞之人無不樂業此

皆聖上

一作主

之恩豈是微臣之力臣從前年六月患脚

膝行立艱難秋深已來更染風疾又從去年六月直至  
今日不見三光山谷昏昏終日陰雨吞茹瘴毒實所難

堪伏奉勅文二年與替况奉進止一考令歸臣疾癘所

侵氣力衰敗一作德素無醫藥恐不支持臣伏見近日已

來楊

或作暢

悅孫誠李速裴腆皆在遐裔相次喪亡特乞

聖恩全臣性命許臣準勅歸赴闕庭再覩龍顏灰粉無

恨臣去年十二月已進表陳乞情有至切再黷宸聰伏

乞天慈救臣疾苦

一作病

不勝懇迫憂塞之至

李令公乞朝覲南郊表

于公異

國家以來年正月五日告謁宗廟柴燎南郊率土同歡

室家相慶臣已陳乞願奉大儀監使王敬親至陛下以  
西門式遏未蒙矜遂夙夜惶戀心如焚灼目覩漢儀猶  
傳故老况臣累塵清貫謬處台司侍奉翠華未為失任  
亟承顧問亦近守官既違捧日之誠益慕告天之慶伏  
惟皇帝纂戎聖運光啓帝圖澤流亭毒一作育之源化溢  
舟車之外今者以天地交泰華夷大同明發以展神宗  
陶匏而郊上帝紹前王之闕典納殊俗之始賓九域駿  
奔傾皇都而壯觀庶官少肅扈清蹕而徐驅臣於此時

獨守蕃鎮伏惟陛下鳳翔密邇或多戎梗未可輕離臣酌事宜必無所慮何者吐蕃所有兵甲悉不在邊流沙巴西纔有烽戍况其畏威讐伏向化協和自安戎貊之邊敢犯漢家之塞吳詵之居隴上李觀之處涇州既承聖謀各有成筭以此制敵何憂撫封臣於鳳翔亦擇留後庶令軍務皆叶權宜又以州縣雖存黔黎未復徒御既衆供承則難臣當倍道兼行遺於入侍謝車捐騎才取成容則岐路有載馳之章郵亭絕告勞之費以此利



往未為擾人今者設壇場告天地尊嚴執禮陛下當元首之名贊拜陳儀臣子漏股肱之用臣且自愧人何以觀乞陛下特降洪私容臣朝聘俾汪洋皇澤亦霑戎屏之臣肅穆旌門粗識昇平之禮既均情於故老庶無愧於子牟退入泉壑不為恨矣云云

皇帝違和請朝觀表

臣某言伏奉手詔聖躬頃暫違和旋亦康復鼓舞歡忭倍百常情然且爾來未有人到惶戀之至寢興無寧何

者臣義忝寵榮恩當弼亮聖躬乖理股肱何安是以瑣  
瑣寸誠款款微志思陪朝列一解漏疑容之憂或從良  
醫待獻十金之樂頃以陳乞願得輕行未蒙還旨猶增  
戀慕且睿謀弘遠邊鄙方安春候轉深戎馬難動以此  
揣度固無憂慮伏乞聖慈許臣朝謁輟旬時於藩鎮候  
安否於宸顏臣之微願於斯畢矣

青帥乞朝覲表

柳冕

臣某言臣備位方面守鎮

一作在

海隅顧無理平之績猥

受增秩之榮而不自媿者顏之厚也竊感江漢朝宗之

義鹿鳴君臣之燕頌聲之作王道之

唐書作本

始也國家自

兵興之後不遑儀

一作議

禮方岳

唐書作牧

未朝讌樂久缺臣

限以一切之制例無朝集之期目不覩朝廷之禮耳不

聞宗廟之樂足不踐軒墀之地十有二年于茲矣犬馬

齒衰益深戀主葵藿將暮空仰太陽古人云日雖不為

葵藿迴光然向之者誠也臣職在戎馬身辭日月願因

朝謁一見漢儀會

一作亦

臣之誠也傳曰朝以正班爵之

義會以訓上下之則朝會者禮之本也臣安敢忘故羣  
后四朝以明黜陟唐虞制也五歲一見以考制度殷周  
制也三載上計以會考課兩漢制也其或不朝則以禮  
讓之故孟子曰諸侯之朝天子曰述職一不朝則黜其  
爵再不朝則削其地三不朝以一作則六師移之然則諸  
侯朝會尊王室也可以廢食不可以廢朝洎秦滅古制  
罷侯置郡漢立王侯並建守相聖唐稽古兼而用之故  
天下朝集三考一見皆以十月上計至于京師十一月

禮見會于尚書省其朝覲也應考績之事至一作其元日

也陳筐篚之責集於朝

唐書作考

堂唱其考第進賢以興善

簡不肖以黜惡穆濟濟靡然成風太宗之遺政也自

安史亂常始有專地者矣四方多故始有不朝者矣戎

臣恃險未有悔過者矣臣忝聞外

一作牧

之寄竊憤不朝

之臣故每忘寢與食思一入覲庶因微臣率先天下則

君臣之義親而不踈朝覲之禮廢而復興

一作舉

臣之幸

也常

唐書作誠

恐負薪之疾溘先朝露覲禮不展歿於下泉

臣之憂也又臣四年已來頻乞骸骨聖恩哀憫許為擇  
替無德而祿殃釁荐臻臣雖上恃天慈不殞瘡癘而下  
悲骨肉繼以死喪及聞諸將帥亡沒亦眾臣自悼何德  
以堪久長昔公子牟身在江海之上心馳魏闕之下則  
鄉國者人情不忘也闕庭者臣子之戀也朝覲者國家  
之大禮也是三者人之大願伏乞一作惟陛下憫臣丹懇  
許臣入朝再謁聖顏萬舞稱賀一作慶斯願畢矣無任懇  
款屏營之至

為陝州盧中丞請朝覲表

周行先

臣某言臣家忝儒門才非國器生休明之代遇堯舜為君束髮從官三十餘年矣曩日佐幕獲在湖南蒙先聖察臣効愚錄臣克謹歷外臺三院知留務五年頻降絲綸驟登朱紫天慈子育不集戾於微躬君父之德且深昆蟲之力難報臣其中謝伏惟陛下繼明授圖誕敷至化特授以刺史兼經畧觀察等使頃容管鎮任職方隅逮茲五考要荒外服僻陋在夷不能賦車籍馬以給國

諸不能餽牽饋餉以賑軍食忝列位聯率慙無匹間歲  
陛下避狄奉天省方梁漢臣不獲身當矢石血濺克渠  
及陛下掃除妖氛再造區宇臣復不獲扈蹕清道執戈  
啓行且霑率土之毛莫展事君之節此臣所以內訟刻  
骨上思訴天苟貪符竹之榮實懼素餐之刺臣今年踰  
知命齒髮已衰官守炎陬星霜屢改乏中和之理行無  
考課之彰聞而炎癘暗侵桑榆漸迫常恐一先風燭永  
謝聖朝况復不識覲見之儀未知班瑞之禮羔鴈列序



空聞於禮經鶴鷺同行欲求於夢寐伏惟皇帝陛下煦  
育動植酌心元元垂仁降慈俯遂愚懇許臣得對馭休  
命抃舞薰風則朝拜玉墀夕歸泉壤愚臣生不恨矣  
一作  
免死且不朽云云

鄭滑李僕射乞朝覲表

馬 摠

臣聞臣之事君如子事父子有晨昏之道臣有朝覲之  
儀載罹寒暑之遷豈勝犬馬之戀臣聞古之郡國皆有  
邸第列在京師出命守藩入令述職所謂百谷朝海衆

星拱辰伏惟皇帝陛下德伏萬邦理臻三代夷夏率俾  
沉翔昭然臣頃受任番禺星霜七變身在南海心懸北  
闕特蒙渥澤徵領宗司方厠朝行旋牧關輔東郡缺帥

又忝摠戎雙旌自天便道之鎮赤墀輔疑作遠伏謝無

因及茲三年丹懇每結况自貞觀之後迄于聖朝臣之  
一門繼荷重任擁旌鉞者僅二十人高祖淮安郡王神  
通弼亮太宗戮力締構榮登左揆以寵勲勞臣無先祖  
之功而塵先祖之位師長宗秩胡堪謬到是願罄述愚

志一覩聖顏宵腸九迴晝食三歎今河朔軌道汴宋底  
寧臣所部宣物睿慈綏緝黔庶師旅知訓農桑以時徵  
賦有常廩儲有備但以違奉既久心不遑安輒敢冒昧  
上聞特希矜許入覲臣獲蹈舞班叙親承德音却歸方  
隅生死榮幸

杜司徒乞朝覲表

劉禹錫

臣聞事君之道有死無隱懇誠所至敢不罄陳伏惟聖  
明俯賜矜察臣某中謝臣代受國恩忝承門蔭脫巾筮

仕敢期榮名陳力劾官靡樹聲績始因人乏

集作孤直

驟歷

清班復荷朝獎作藩外府遠違輦下十有四年恪守淮

濱于

集作逃

今一紀犬馬戀主寢興匪遑蒲柳易衰遲暮

俄及竊位時久妨賢愧深況歷任

集作官

已來四十八考

祇奉朝謁時纔二周服勤郡府在苒垂老屏營魏闕之

思夢想承明之迹

集作遊

如迫餒寒不忘衣食伏惟睿鑒

俯亮愚衷早賜擇人與臣為替交受

集作授

之際冀無可

虞然後脂車奔赴京輦微願斯畢雖死且

集作猶

生臣頃

以戎務方殷猥加宰輔今既事罷實慙此名為有藩鎮  
同時未敢輕上印綬伏以聖朝赫奕左右惟賢漢愧得  
人周慙多士臣才略既短齒髮且集作衰柄用之地甘

心自絕所冀退歸舊里沐浴皇風絕鍾鳴漏盡之譏展

維桑與梓之敬匪惟名器不假實貴骸骨獲集作全知

止之心神祇可集作鑒無任悃欵屏營之至

為鄭相請朝覲表

元 固

臣某言伏以受恩之地中外則同戀主之心遐遠愈

一作

逾切臣素無方畧又乏理能徒以久侍掖垣嘗叨衮職

罪已彰於負乘位猶忝於藩維一違闕庭累變寒燠虛

當重任未答鴻恩

一作私

常恐愚効未

一作莫

申官謗將及

敢不誓心奉職克已臨

一作勤

人哀矜獄情節省財用蠲

途誠慎終日憂慙而百越殊風庶眊失業流庸未復於

田里逋賦仍積於歲時邕管防虞尚勞師旅海南饋饌

猶資費用軍府屢空物力將竭至如奉宣化理

一作皇化

恭

守國章臣實盡疲駕庶裨萬一將使寇戎殄滅食貸豐

滋臣雖策勵終亦無及伏乞聖慈矜念天鑒照臨察臣  
審分之誠哀臣澀懇之意僅獲言旋京國重覩天顏則  
汲黯無恨於淮陽馬援不辭於瘴海矣微臣幸甚無任  
感恩戀主踴躍之至

一作皆唐類表

為樓煩監楊大夫請朝覲表 令狐楚

臣某言臣聞君猶父也臣猶子也子事父有冬溫夏清  
之禮臣事君有大聘小聘之義臣雖庸鄙常感斯言今

類表  
作况

乃地離京師千里而近身去王室十年有餘心既  
傾而陽光未迴目已極而雲路猶阻此臣所以形留神  
往淚盡血繼者也况監司之寄甚重馬乘之務非細或  
物有因襲革之而無妨或事無典據為之而有利咸非  
翰墨所可升聞貯于中心期以上達伏惟陛下迴天地  
之鑒垂日月之明俯借恩光暫令朝奏儻得飛纓於赤  
墀之下委佩于彤庭之前目見龍顏足履丹地則犬馬  
大幸與天無窮無任悃欵之至



同前

臣某言臣自罷侍龍樓出班馬政星霜驟變十有三年  
伏惟陛下光宅寰瀛惟新景命奏蕭韶之九變獨臣未  
聞舞干羽於兩階唯臣未見累歲有違離之苦終朝懷  
戀慕之誠是以屢獻封章懇求朝覲愚衷不達聖眷未  
迴邊山之中躑躅愁結比者臣雖庸鄙兼領嵐州職在  
治人固難離局今既專知監務特有使名伏櫪多暇望  
雲增切且臣所部濱

類表作類

河近塞兵家利病時事便宜

難於遠陳願一敷奏而况道途非遠僕御不多次舍之  
費誠未擾於郡縣往來之期當不踰於旬月伏望俯迴  
天鑒曲遂臣一作誠心使得稱慶於中朝然後代勞於外  
廐至願斯畢死無所恨無任懇迫懇結之至

同前

臣某言臣聞心孤者觸緒而悲意切者發言皆懇揣情  
循理今古同塵嘗謂無之今乃信有臣某中謝臣雖頑  
鄙無取亦嘗側聞長者之論上自古昔迄至於今才能

事業百十於臣而不升名官之級不知祿廩之數者何  
可一二其紀臣其無耿介之秀或作節開濟之能且有極  
愚至陋之累而微生際會事陛下於藩邸之中周旋出  
處雖無擁戴神聖之績便蕃左右曾有侍從言語之樂  
竊自欣賀若昇雲天伏惟陛下握圖御極凝旒垂象惠  
均於動植信及於細微擢臣於方岳之中委臣以監牧  
之務仰憑殊造俯竭愚衷封人粗安國馬稍息今者秩  
視賓客位為大夫耳煩絲竹之音響口厭梁肉之滋味

馳驅駿足偃息華穰蒙陛下覆育之恩已為太過顧微  
臣止足之分實所甚榮豈敢更冒寵光別求獎用伏以  
狗馬之齒衰暮相迫螻蟻之命危殘不常日往月來懼  
貽敗覆天地相分不勝瞻戀每至木葉下邊馬嘶切思  
指畫君前以畢平生之力常恐先霜露填溝壑不見丹  
闕長恨黃泉伏惟陛下仁愛惻隱及於萬類察臣之至  
願表一作臣之赤心使一入帝城死無所恨無任一作  
不勝

哀迫懇苦之至

請朝覲表

符載

臣某言臣聞臣之事君猶子之事父苟閨庭之侍曠晨昏之禮絕擬議名教得為孝子乎臣自違天顏二十餘載身不趨宮闕之地心不展烏鳥之誠戴天嚮日肝肺焦灼况臣暮齒筋力漸衰以中人之材當大藩之寄智慮昏殆政術荒踈自揣封疆固多敗累豈可使萬人稟無德之令四方興尸祿之譏跼形顧影月慙歲恥方今赫赫大國髦彥如林采於衆才必超十倍伏願陛下暫

迴慈眷俯察愚衷念蒼生之疲授能者之位即微臣無妨賢之愧大君有任用之明得公論於縉紳盡私誠於犬馬再以白首獲奉紫宸備一刻於周行實百生之榮耀前後陳乞煩黷聖聰雖懇迫之未申瞻軒墀之已近不勝悽悽之至

同前

周行先

臣某言昨遣奏事官馬元宗附臣口奏請赴朝覲馬元宗迴奉宣進止語臣云君臣之情不厭相見朕與卿心

無二緣途路稍遠卿來後即不免朕憂况乍收復洺州  
士庶恐未安泰須卿存恤未能遂卿此志且不須作來  
意者皇靈特降天語密開俯伏流汗墮越無地臣某中  
謝臣內顧庸虛謬居藩鎮日月云邁倏然三年空荷丘  
山之恩未申綵髮之効隳肝瀝膽豈盡愚誠從頂至踵  
皆承玄造夙夜祇惕悼心失圖誠願暫覩鴛鴦之行獲  
倍羔鴈之列特近宸睽親奉德音則朝聞夕死臣之甚  
幸而軍城初復天意遙軫戀結之至尚抑懇誠今疆場

無虞干戈已戢軍儲戎賦幸有支持伏望天意許臣至  
冬末春初已來暫赴朝謁得申犬馬之志庶盡葵藿之  
心碎首糜軀死之無恨云

代孔大夫乞

一作請

朝覲表

杜周士

臣某言臣以斗筭之資荷旄

一作旌

鉞之寄職兼千乘位

一作職

摠十聯而節制頒條曾無可紀妨賢專祿亦

一作忽

已四年由是再陳表章備瀝哀

一作喪

懇誠在必達義無

苟安伏惟元和聖文神武法天應道皇帝陛下憂勤萬



務砥礪庶工服勞中外者有更踐之常受寄方隅者無  
專任之幸所以俗用丕變官稱得人坐致平治寔使均  
一天下幸甚天下幸甚今輒冒犯嚴譴更陳丹悃不敢  
廣引遠事請以近日一作事言之至如揚於陵鄭綱馬摠  
等或從偏鎮陟授或自周行蒞事或三年獲歸或三考  
一作載除替公議惟允私願亦伸伏乞聖慈平分許循往  
例賜停見職擇用羣才則聖代盛審官之規微臣無去  
國之歎無任禱祈之至

一作皆唐類表

崔中丞請朝覲表

憲宗

臣某言臣歷刺三州連摠二府外任逾紀入覲無階就  
日望雲魂飛心往臣某中謝伏惟睿聖文武皇帝陛下  
覆載無私遐邇同致復昇平之故事繼前聖之高蹤中  
外踐更出入迭用臣以虛薄叨受恩榮徒竭夙夜之心  
未伸朝夕之敬天威咫尺誠寤寐而無違雲漢昭回固  
瞻仰而何及是以前在朗缺封章累上及移臨松漠星

紀屢周微衷尚隔於戴盆積望徒懸於窺管葵藿之誠  
彌切犬馬之戀愈深人欲天從於茲未驗下情上達終  
冀不誣敢黷宸嚴罄陳丹懇伏乞賜臣除替許至闕庭  
厠蹈舞於羣寮備班行之散地足趨中禁目覩大明俾  
成九族之榮以盡百生之幸非敢竊國賓五獻之禮希  
康侯三接之恩一覲龍顏萬死為足無任懇到迫切之  
至謹遣某官奉表陳乞以聞


李大夫請朝覲表

敬宗

裴度

臣聞天道君也高而下濟地道臣也卑而上行上下交感然後萬姓生焉庶政成焉其或翦鬱不通則為災沴之氣必在宣達使之光明太平之風實繫於此伏惟文武大聖廣孝皇帝洪覆品彙光宅寰區翺飛跂行皆得其所况臣器識庸陋遭遇便藩始事憲宗過蒙驅策復事先帝猥加爵命大恩無報終懼且慙以至今日又承寵寄涓毫未効齒髮將衰起在山南不遠甸服宴安厚利拜受軒階此則為君之道下濟有餘為臣之道上行

不足尸祿彌久心魂若驚日往月來寢成憂塞伏希降  
鑒特許入覲冀得少謝萬一使無壅情然後退歸里閭  
降避賢路雖則萬殞無恨可謂百生之幸况李光顏薛  
平皆武臣也淮海以為要重然猶邈迤而至述職明庭  
臣儒生也梁漢無事道途孔邇若泰然自安貪冒榮顯  
位為公相衆所指名又何以表率四方儀刑多士臣不  
勝傾心延首瞻系天衢之至



文苑英華卷六百六